

ELAHERE® (el-ah-HERE) (mirvetuximab soravtansine-gynx) injection, for intravenous use

REZIME ANBRÈF POU KONSOMATÈ
Konsilte avi ki vini avèk medikaman an pou jwenn enfòmasyon konplè sou preskripsyon an

Enfòmasyon pou Pasyan

Li Gid Medikaman ki vini avèk ELAHERE a anvan w kòmanse pran li epi chak fwa ou resevwa yon renouvèlman medikaman. Gendwa gen nouvo enfòmasyon. Rezime anbrèf sa a pa genyen tout enfòmasyon konplè epi li pa ranplase yon chita pale avèk doktè w sou pwoblèm medikal ou a oswa sou tretman w. Pou jwenn yon kopi Enfòmasyon Konplè Preskripsyon an, ale sou www.ELAHERE.com oswa rele nan 1-833-352-4373.

Ki enfòmasyon ki pi enpòtan mwen dwe konnen apwopo ELAHERE?

ELAHERE ka lakòz efè segondè grav, ki gen ladan:

- **Pwoblèm nan zye.** Pwoblèm nan zye kouran avèk ELAHERE epi yo kapab grav tou. Enfòmè founisè swen sante w touswit si w devlope nenpòt pwoblèm nan zye pandan tretman avèk ELAHERE, tankou vizyon twoub, zye sèk, sansiblite nan limyè, doulè nan zye, zye wouj, oswa chanjman nan vizyon ki nouvo oswa ki vin pi grav.
- Founisè swen sante w la ap voye w wè yon pwofesyonèl swen zye pou tcheke zye w anvan w kòmanse tretman avèk ELAHERE, pandan tretman avèk ELAHERE, epi jan sa nesesè pou nenpòt siy ak sentòm pwoblèm zye ki vin pi mal.
- Founisè swen sante ou a ap preskri gout estewoyid pou zye ak gout pou zye librifyan anvan ou kòmanse epi pandan tretman w avèk ELAHERE. Ou dwe itilize gout pou zye yo jan founisè swen sante w endike.
- Pa mete vè kontak pandan tout tretman w avèk ELAHERE sof si founisè swen sante w la di w pou w itilize yo.

Gade nan “**Ki efè segondè ki posib nan ELAHERE?**” pou plis enfòmasyon sou efè segondè yo.

Kisa ELAHERE ye?

ELAHERE se yon medikaman sou preskripsyon ki itilize pou trete granmoun ki gen kansè nan ovè ak resepte alfa pozitif pou folat, kansè nan twonp Fallope, oswa kansè peritoneyal primè ki:

- pa te reponn oswa ki pa reponn ankò ak tretman avèk chimyoterapi abaz platinum, **epi**
- te resevwa 1 a 3 tip chimyoterapi anvan.

Founisè swen sante w pral ap fè yon tès pou asire ELAHERE bon pou ou.

Yo pa konnen si ELAHERE san danje ak si li efikas kay timoun yo.

Anvan w resevwa ELAHERE, fè founisè swen sante ou konnen tout pwoblèm medikal ou genyen, sa gen ladan si ou:

- gen pwoblèm vizyon oswa pwoblèm zye.
- gen angoudisman oswa pikotman nan men w oswa pye w.
- gen pwoblèm fwa.
- ansent oswa gen pwojè pou vin ansent. ELAHERE kapab nwi tibebe ki nan vant ou a. Enfòmè founisè swen sante w touswit si w vin ansent oswa si wpanse ou gendwa ansent pandan tretman avèk ELAHERE.

Pasyan ki kapab vin ansent:

- Founisè swen sante w dwe fè yon tès gwosès pou ou anvan ou kòmanse tretman avèk ELAHERE.
- Ou ta dwe fè yon planing (kontrasepsyon) efikas pandan tretman an ak pandan 7 mwa apre dènye dòz ou nan ELAHERE.

- ap bay tibebe tete oswa prevwa pou bay tibebe tete. Yo pa konnen si ELAHERE pase nan lèt tete ou. Pa bay tete pandan tretman an epi pandan 1 mwa apre dènye dòz ELAHERE ou a.

Fè founisè swen sante w konnen tout medikaman w ap pran, sa gen ladan medikaman preskripsyon ak medikaman san preskripsyon, vitamin ak sipleman abaz plant. Pran sèten lòt medikaman pandan tretman ak ELAHERE ka lakòz efè segondè.

Kijan mwen pral resevwa ELAHERE?

- Yo pral ba w ELAHERE sou fòm yon pèfizyon nan venn ou (entravenez oswa IV).
- Anvan chak dòz ELAHERE, w ap resevwa medikaman pou ede anpeche reyaksyon anrapò ak pèfizyon an, kèplen, ak vomisman.
- Anjeneral, yo bay ELAHERE chak 3 semèn (sik 21 jou). Founisè swen sante w ap deside konbyen sik ou bezwen.

Ki efè segondè ki posib nan ELAHERE?

ELAHERE ka lakòz efè segondè grav, ki gen ladan:

- Gade nan “**Ki enfòmasyon ki pi enpòtan mwen dwe konnen apwopo ELAHERE?**”.
- **Pwoblèm poumon (nemonit).** ELAHERE ka lakòz enfòmasyon nan poumon ki grav oswa ki mete lavi an danje, ki ka mennen nan lanmò. Enfòmè founisè swen sante w touswit si w gen sentòm ki nouvo oswa ki vin pi grav, tankou pwoblèm pou respire, souf kout, tous, oswa doulè nan pwatrin.
- **Newopati periferik.** Pwoblèm nè ki rele newopati periferik kouran avèk ELAHERE epi yo kapab grav tou. Founisè swen sante w pral sivey w pou siy ak sentòm pwoblèm nè yo. Enfòmè founisè swen sante w si ou gen angoudisman, pikotman, sansasyon brili oswa doulè ki nouvo oswa ki vin pi grav nan men ou oswa pye ou, oswa feblès nan misk.

Efè segondè ki pi kouran yo ak rezilta laboratwa anòmal ELAHERE gen ladan:

- ogmantasyon anzim fwa nan san an
- diminisyon plakèt
- diminisyon nivo mayezyòm nan san an
- sansasyon fatig
- vizyon twoub
- kèplen
- dyare
- doulè (abdominal) nan zòn vant
- chanjman nan kòne a (yon pati nan zye a)
- newopati periferik
- doulè nan misk, zo, oswa doulè nan jwenti
- diminisyon kantite globil wouj oswa globil blan
- diminisyon apeti

Founisè swen sante ou a ka chanje dòz ELAHERE ou, retade tretman an, oswa sispann tretman an nèt si w gen sèten efè segondè.

Sa yo pa reprezante tout efè segondè ki posib avèk ELAHERE.

Rele doktè w pou jwenn konsèy medikal sou efè segondè yo. Ou ka rapòte efè segondè yo ba FDA nan 1-800-FDA-1088.

Enfòmasyon jeneral sou itilizasyon ELAHERE san danje epi avèk efikasite.

Pa fwa yo preskri medikaman pou lòt rezon ki pa pou rezon ki endike nan yon Gid Medikaman. Si ou ta vle jwenn plis enfòmasyon sou ELAHERE, pale avèk founisè swen sante w. Ou ka mande famasyon ou oswa founisè swen sante w enfòmasyon sou ELAHERE yo ekri pou pwofesyonèl swen sante yo.

Kisa engredyan ELAHERE yo ye?

Engredyan aktif: mirvetuximab soravtansine-gynx
Engredyan inaktif: glacial acetic acid, polysorbate 20, sodium acetate, sucrose, dlo pou enjeksyon.

Fabrike pa:
AbbVie Inc., North Chicago, IL 60064, USA
Lisans Etazini 1889
©2025 AbbVie Inc. Tout dwa rezève.
ELAHERE ak logo li yo se mak komèsyal ImmunoGen, Inc., yon konpayi AbbVie.

Nou ankouraje pou w rapòte efè segondè negatif medikaman sou preskripsyon yo ba FDA. Ale nan www.fda.gov/medwatch oswa rele nan 1-800-FDA-1088.

Ref: 752962-02 Revize: Jiyè 2025

LAB-13307 **MÈT ANGLÈ**
LAB-14004 **MÈT KREYÒL**

LAB-14368

abbvie